



唐撫言目錄

第一卷

統序科第

會昌五年舉格節文

述進士下篇

兩監

東監

廣文

試雜文

謁先師

第二卷

貢舉釐革并行

述進士上篇

散序進士

西監

鄉貢

兩都貢舉

朝見

進士歸禮部



京兆府解送

元和元年登科記京兆等第榜序

廢等第 置等第

府元落 等第末為狀元

等第罷舉 為等第後久方及第

海述解送 爭解元 扣貢院門求 試後到附

得失以道 恚恨

第三卷

散序 謝恩

期集 點檢文書

過堂 闕試

讌名 今年及第明年登科

慈恩寺題名遊賞賦詠雜記

第四卷

節操 與恩地舊交

師友 氣義

第五卷

切磋 以其人不稱才試而後驚

第六卷

公薦 門生薦座主 師友相薦附

第七卷

起自苦寒苦 不第即 貴附 好放孤寒

升沉後進

知己

第八卷

通榜

主司撓悶

陰注陽受

夢

聽響卜

自放狀頭

遭遇

友放

誤放

憂中有喜

為鄉人輕視而得者

以賢妻激勸而得者

已落重收

放老

及第與長行拜官相次

別頭及第

及第後隱居

入道

第九卷

防慎不至

誤拔惡名

好知己惡及第

好及第惡登科

救賜及第

表薦及第

惡得及第

芳林十哲

四凶

第十卷

載應不捷聲價益振 海叙不遇

韋莊奏請追贈不及第人近代者

第十一卷

反初及第

反初不第

無官受黜

薦舉不捷

已得復失

以德報怨

惡分踈

怨怒貢直附

第十二卷

自負

輕佻戲諺附

設奇沽譽

酒失

第十三卷

敏捷

牙楯

惜名

無名子謗議

第十四卷

主司稱意

主司失意

第十五卷

雜記

條流進士

閩中進士

賢僕夫

舊話

切忌

沒用處

唐撫言目錄終

道光元年嘉平月上浣借武原張石樓茂才家

藏鮑氏知不足齋奉重校一過 醒園識

道光十四年五月下浣雪齋方成珪校閱一過

道光甲午歲杪以方雪齋師手鈔定本校閱三

次凡有論辨俱採錄焉其或旁引他書出於可
緩者則略之 醒園又誌

唐撫言卷第一

統序科第

周後人翊聖

周禮卿

吳校云雅兩堂刻本作卿

大夫具鄉飲酒之教攷其德行察

其道藝三年舉賢者貢于王庭非夫鄉舉里選之義源

于中古乎夫子聖人始以四科齒門弟子後王因而範

之漢革秦亂講求典禮亦解循塗方方校云方輟以須

賢俊考德行則升孝廉而激浮俗掄道藝則第雋造而

廣人文故郡國貢士無虛歲矣繇是天下上計集于大

司徒府所以顯五教于萬民者也我唐沿隋漢法吳云

作沿隋法漢方云當作法漢隋不應攷攷矻矻以事草

澤琴瑟不改而清濁殊塗丹漆未吳云刻施而豐儉異

致始自武德辛巳方云武德高祖年號計九年辛巳係四年歲四月一日敕諸州學士及早吳云及早二字疑有衍文有明經及秀才俊士進士明于理體為鄉里所稱者委本縣考試州長重覆取其合格每年十月隨物入貢斯我唐貢士之始也厥有沿革錄之如左

貢舉釐革并行鄉飲酒

開元二十五年方云開元辛酉宗第一年號二月敕應諸州貢士上州貢士上州歲貢三人中州二人下州一人必有才行不限其數所宜貢之人解送之日行鄉飲禮牲用少牢以官物充

會昌五年

方云會昌武宗年號計六年是年乙丑

舉格節文

公卿百僚子弟及京畿內士人寄客外州府舉士人等修明經進士業者並隸名所在監及官學仍精加考試所送人數其國子監明經舊格每年送三百五十人今請送二百人進士依舊格送三十人其隸名明經亦請送二百人其宗正等吳云刻本作寺方云案新唐書選五等以上其家居業成而堪貢者宗正寺試送監舉如常法則等當作寺進士送二十人其東監同華河中府送進士不得過三十人明經不得過五十人其鳳翔山南西道東道荆南鄂岳湖南鄭滑浙西浙東廊坊宣商涇邠江南江西淮南西川東川陝統等道所送進士不得過吳云刻本過下有一字十五人明經不得過二十人其河東陳許汴徐泗易定齊德魏博澤潞幽

孟靈夏淄青鄆曹兗海鎮冀麟勝等道所送進士不得
過一十人明經不得過十五人金汝益豐福建黔府桂
府嶺南安南邕容等道所送進士不得過七人明經不
得過一十人其諸支郡所送人數請申觀察使為解都
不得諸州各自申解諸州府所試進士雜文據元格並
合封送者吳云省下准吳云准俗開成三年方云開成
年號計五年五月三日方云五月丁巳朔救落者今
緣自不送所試以來舉人公然拔解今方云今諸州府
所試各須封送者司檢勘如病敗不近詞理州府妄給
解者試官停見任用關

述進士上篇

永徽方云永徽高宗第已前俊秀二科猶與進士並列咸
亨方云咸亨高宗第之後凡由文學舉于有司者競集

于進士矣繇是趙儉等常吳云刻本去俊秀之故目之

曰進士登科記古者間有序鄉有庠以時教行禮而視

當吳曰視化焉其有秀異者則升于諸侯之學諸侯歲貢

其尤吳云刻本尤者移之于天子升于太學故命曰造

士然後命焉周禮大樂正論造士之秀者以告于王而

升諸司馬司馬辨論官材論進士之賢者以告于王而

定其論論定然後官之任官然後爵之位定然後祿之

若列之于科目則俊秀盛于漢魏而進士隋大業吳云

煬帝年號中所置也如侯君素孫伏伽方云案唐書止

君素而君集武夫不由科目當是張元素之誤元素蒲州虞鄉人終鄆州刺史孫伏伽貝州武城人終陝州刺史皆隋之進士也明矣然彰于武德而甲于貞觀貞觀太宗二十三年號計蓋文皇帝帝即太宗修文偃武天贊神授嘗私幸端門見新進士綴行而出喜曰天下英雄入吾彀中矣若乃光宅四夷垂祚三百何莫由斯之道者也

述進士下篇

元和方云元和憲宗中中書舍人李肇撰國史補方曰國史補元長慶間雜事其略曰進士為時所尚久矣是故俊乂國史補作俊人寔在方曰子史精華其中由此而無而字出者終身為文人子史精華故爭名常為時所重子史精華作子史精華故爭名常切為時所重而為俗亦弊則

此處似其都會謂之舉場通稱謂之秀才投刺謂之鄉貢得第謂之前進士互相推敬謂之先輩俱捷謂之同年原注云近年及第未過闕試皆稱新及第進士所以

行納訪便稱了付三銓休把新銜必將試各相保有任字廣記無各字謂之合保羣居而賦謂之私試造請權要謂之關節激揚聲價謂之還往既捷列名于慈恩寺增謂之題名大醮于曲江亭子謂之曲江會原注

謂之離會方云亦謂之闕宴廣記作亦謂聞喜離會上有可也二字下藉而入選謂之春闈不捷而醉飽謂之打

眠方云或作罷匿名造謗謂之無名子退而肄業謂之過夏執業以出謂之夏課原注云亦挾藏入試謂

之書策此其大略也其風俗繫于先達其制置存于有司雖然賢者得其大者故位極人臣常有十二三登顯列十有六七而元魯山方云名德秀張睢陽方云名巡有馬劉闢方云字元修吳云刻本作脩太初方云元修未詳有馬

散序進士

進士科始于隋大業中方云案歷代帝王年表大業二年丙寅始建進士科盛于貞觀永徽之際搢紳雖會極人臣不由進士者終不為美以至歲貢常不減八九百人其推重謂之白衣公卿又曰一品白衫其艱難謂之三十老明經五十少進士其負侗儻之才變通之術蘓張之辨說荆聶之膽氣仲由之武勇子房之籌畫弘羊之書計方朔之詆諧咸以

是而晦之修身慎行雖處子之不若其有老死于文場者亦所無恨故有詩云太宗皇帝真長算賺得英雄盡

白頭方云此下一條或本混為一今晰

獨孤及撰河南府法曹參軍張從師墓誌云從師祖損之隋大業中進士甲科位至侍御史諸曹員外郎損之生法以碩學麗添名動京師亦舉進士自監察御史為會稽令

兩監

按實錄西監隋制東監龍朔元年所置方云龍朔高宗辛酉開元已前進士不由兩監者深以為耻李華員外寄趙七侍郎詩略曰昔日蕭邵友四人纔成童原注云華

與趙七侍郎驛蕭十功曹穎士故師十六司倉軫未冠
遊太學皆苦貧共弊五人登科相次典校。方云苦貧
共弊、當作敝取子路與
朋友共敝之無憾之意 師後二年擢第以寃橫貶卒
南中又郭代公崔湜范履冰輩皆由太學登第李肇舍
人撰國史補亦云天寶中 方云天寶中宗弟表成 刻本
作用劉長卿分為朋頭是時常重兩監爾後物態澆漓
稔于世祿以京兆為榮美同華為利市莫不去實務華
弃本逐末故天寶二十載 方云天寶無二十載當作
天下舉人不得言鄉貢皆須補國子及郡學生廣德二
年 方云廣德代宗弟一年 制京兆府進士並令補國子
生斯乃救壓覆者耳奈何人心既去雖拘之以法猶不
能勝矧或執大政者不常其所立既非自我則所守

亦不堅矣繇是貞元十年 方云貞元德宗弟三年 號已
來殆絕于兩監矣 吳云以下或本
皆接寫不分條

貞觀五年 方云是 已後太宗教幸國學遂增築學舍一

千二百間增學生凡三千二百六十員無何高麗百濟

新羅高昌吐番諸國酋長亦遣子弟請入國學之內八

千餘人國學之盛近古未有至永淳 方云永淳高宗弟
十三年 號止一年

是年 已後乃廢

龍朔二年 方云是 九月敕學生在學各以長幼為序初

入學皆行束修之禮各絹三匹四門學生各絹二匹雋

士 吳云刻本 及律書算學州縣學各絹一匹皆有酒脯

其分束修三分入博士二分助教又每年國子監所管

學生國監試州縣學生當州試並藝業優長者為試官
仍長官監試其試者通計一年所授之業口問大義十
條得八已上為上得六已上為中得五已下為下類三
不吳云刻本作三下方云新唐書選舉志亦作三下當從之及在學九年吳云一本自下律生
六年至授業者亦聽律生六年不任貢舉者並解退其
從縣向州者數下第並須通計服闋吳云刻本闕重任者
不在計限諸博士助教皆分經授每一經必令終講未
終不得改業開元二十二年吳云刻本作二十一年方
二十一年學制新唐書選舉志五月敕諸州縣學生二
作開元七年所叙大畧相同五月敕諸州縣學生二
十五已下八品九品子弟若庶人並年二十一已下通
一經已上未及一經而精神聰悟有文詞史學者每年

詮量舉送所司簡試聽入四門學充俊士即諸州貢人
省試下第情願入學者聽國子監所管學生尚書省補
州縣學生州縣長官補州縣學生取郭下縣人替諸州
縣學生習本業之外仍令兼習吉凶禮公私有禮事令
示儀式餘皆不得輟使諸百姓立私學其欲寄州縣學
授業者亦聽會昌五年方云是年乙丑正月敕公卿百寮子弟
及京畿內土人寄修明經進士業者並宜隸名太學外
州寄學及土人並宜隸名所在官學仍永為常制

西監

元和二年方云是年丁亥十二月奏兩京諸館學生總六百五
十員每館定額如後

西京學生五百五十員國子館八十員太學七十四員
四門館三百員廣文館六十員律館二十員書館吳云一本
上五字算館各十員方云案新唐書選舉志太學七十
脫去其國子四門廣文人數與此同適合五百又奏伏見天
寶已前國學生其數至多並有員額至永泰方云永泰
年吳云乙巳一年後西監置五百五十員東監近置一百員
未定每館員額今謹具每館定額如前伏請下禮部準
格補置敕旨依

東監

東監元和二年十一月吳云刻本作十二月方敕東都
國子監量置學生一百員國子館十員太學十五員四

門五十員律館十員廣文館十員書館二員吳云刻本
云三員方與數合新唐書算館二員
選舉志書館亦作三人

鄉貢

鄉貢里選盛于中古乎今之所稱蓋本同而未異也今
之解送則古之上計也漢武帝置五經博士原注云博
古今員數十人漢置五經而已。方云案漢書太常選
武帝紀建元五年春置五經博士是年乙巳
民年十八已上好學者補弟子郡國有好文學敬順于
鄉黨者令與計偕授業吳云一本太常如弟子一歲輒
課通經藝補文學掌故上第為郎其秀才吳云一本異
等太常以名聞其下才吳云刻不事學者罷之若等雖
舉於鄉亦由於學兩漢之制蓋本乎周禮者也有唐貞

元已前已前兩監之外亦頗重郡府學生然其時亦由鄉里所升直補監生而已爾後膏粱之族率以學校為鄙事若鄉貢蓋假名就貢而已景雲方云景雲後睿宗第一年號計二年之前鄉貢歲二三千人蓋用古之鄉貢也咸亨五年方云高宗咸亨止四年五字誤七世伯祖鸞臺鳳閣龍石白水公時任考功員外郎下覆試十一人內張守直吳云刻本作貞朱氏曝一人開耀二年方云開耀高宗第十二年號止一年二字誤當作元年是年辛午已劉思彖方云選舉志作思立下五十一人內雍思泰一人永淳二年方云永淳止一年二當作元是年壬午劉廷奇下五十五人內元求仁一人光宅元年閏七月方云光宅武后第一號止一年是年甲申又是年閏五月此二十四日劉廷奇重試一十六人內康云七月未詳

庭芝一人長安四年方云長安武后第十五崔湜下四十一人李溫玉稱蘓州鄉貢景龍元年方云景龍後中宗第二二年號計四年丁未李欽讓稱定州鄉貢附學爾來鄉貢漸廣率多寄應者故不甄別于榜中信本同而末異也明矣大庠中方云大庠代宗第三楊綰疏請復舊章貴全乎實方云新唐書選舉志則云寶應二年禮部侍郎楊綰上疏請依古察孝廉其明經進士及道舉並停案寶應肅宗第四年號止一年是為壬寅尋亦寢於公族垂空言而已志云二年亦誤也

廣文

天寶九年吳云年當作載方云天寶三年七月詔於國子監別置廣文館以舉常修進士業者斯亦救生徒之離散也始其吳云當春官氏擢廣文生者名第無高下

貞元八年方云八歐陽詹吳云一本詹第三人李觀第
五人爾來此類不乏暨大中之末咸通乾符以來方云
宣宗年號計十三年咸通懿宗年號計六年率以為末第或
十四年乾符僖宗第一年號計六年曰鄉貢賓也學生主也主宜下於賓故列於後也大順
二年方云大順昭宗第二年孔魯公方云名緯在相位思矯
其弊故特置吳仁璧於蔣肱之上明年公得罪去職方
是年壬子為昭宗第三年號景福元年案新唐書宰相
年表大順二年正月孔緯張濬並免則前二年當作元
乃此明年也及第者復循常而已悲夫

兩都貢舉

永泰元年始置兩都貢舉禮部侍郎官號皆以知兩都
為名每歲兩地別放及第自大曆十一年方云是停東

都貢舉是後不置

試雜文

進士科與雋秀吳云一本同源異派所試皆荅策而已

兩漢之制有射策對策二義者何射者謂列策于几案

貢人以矢投之隨所中而對之也方云漢書蕭望之傳

即師古曰射策者謂為難問疑義書之於策量其大小
署為甲乙之科列而置之不使彰顯有欲射者隨其所
取得而釋之以知優劣射之言投射也此對則明以策

問授其人而觀其臧否也如公孫弘董仲舒皆由此而

進者也有唐自高祖至高宗靡不率由舊章垂拱元年

方云垂拱武后第二年吳師道等二十七人及第後敕

批云略觀其策並未盡善若依令式及第者唯祇一人

意欲廣收其材通三者並許及第後至調露二年方云

高宗第十年拂止一年當作元年是年已卯案考功員

調露在垂拱前後至二字可疑或前垂拱誤也

外劉思多一作吳云多奏請一作吳云廣記加試貼經與雜文

之吳云廣記高者放入策方云策尋以則天革命事復

用循吳云刻本至神龍元年方云神龍後中宗第一方

行三場試故常列詩賦題目于榜中矣

朝見

國朝舊式天下貢士十一月一日赴吳云赴下朝見長

壽二年方云長壽武后第七年拾遺劉承之上疏請元

日舉人朝見列于方物之前從之見狀臺司接覽中使

宣口敕慰諭建中元年方云建中德宗第一十一月

朝集使及貢士見于宣政殿兵興已來四方不上計內
外不會同者二十五年矣今計吏至一百七十三人矣
仍令朝集使每日二人待制

謁先師

開元五年方云是九月詔曰古有賓獻之禮登于天府

揚于王庭重學尊師興賢進士能美風俗成教化蓋先

王之繇焉朕以寡德欽若前政思與子大夫復臻于理

故他日訪道有時忘食乙夜視書吳云刻本分宵不

寐悟專經之義篤學史之文永懷覃思有足尚者不示

褒崇孰云獎勸其諸州鄉貢明經進士見訖宜令引就

國子監謁先師學官為之開講質問其義宜令所司優

厚設食兩館及監內得舉人亦准其日清資館方云館當作官
五品已上及朝集使往觀禮即為常式易曰學以聚之
問以辯之詩曰如切如磋如琢如磨此朕所望于習方云
習當才也

進士歸禮部

雋秀

吳云一作俊秀

等科比

吳云比唐詩紀事作初廣記作此

事

皆考功主之開

元二十四年

方云是年丙子

李昂員外性剛急不容物以舉人

皆飾名求稱搖蕩主司談毀失實竊病之而將革馬集

貢士與之約曰文之美惡悉知之矣考校取捨

吳云刻本作取

舍廣記作取檢

存乎至公如有請托于時求聲于人者當首

廣記首

落之既而昂外舅常與進士李權隣居相善乃

舉權于昂昂怒集貢人名權庭教之權謝曰人或猥知

吳云紀事作相知

竊聞於左右非敢求也昂因曰觀衆君子之

文信美矣然古人云瑜不掩瑕忠也其有詞或不典將

與衆評之

吳云廣記作其詞或不典雅與衆詳之

若何皆曰唯公之命既

出權謂衆曰向之言其意屬吾也吾試

吳曰刻本試不

第決矣又何藉焉乃陰求昂瑕以待之異日會論昂果

斥權章句之疵以辱之權拱手

吳云刻本作拱而紀事同

前曰夫禮

尚往來來而不往非禮也鄙文不臧既得而聞矣

吳云而聞

紀事作聞命

而執事昔有雅什嘗聞於道路愚將切磋可乎

昂怒而嘻笑曰有何不可權曰耳臨清渭洗心向白雲

閑豈執事之詞乎昂曰然權曰昔唐堯衰

吳云衰廣老

厭倦天下將禪於許由惡聞故洗耳今天子春秋鼎盛不揖讓於足下吳云鮑氏知不足齋本作執事而洗耳何哉是時國

家寧謐百寮畏法令兢兢然莫敢跌吳云跌上紀事昂有蹉字當从之

聞惶駭激起不知所酬乃訴於執政謂權風狂不遜遂

下權吏初昂強復不受囑請及有議求者莫不先從吳云

議上紀事有吏字刻本作及是有請求者莫不先從廣記作及有勢求者莫不先從又一本作及是有請求者

位求者莫不先從由是庭議以省郎位輕不足以臨吳云臨廣記作伏

多士乃詔禮部侍郎專之矣吳云廣記作專知焉

論曰永徽之後以文儒亨達不由兩監者稀矣于時場

籍先兩監而後鄉貢蓋以朋友之戚否文藝之優劣切

磋琢磨匪朝伊夕抑揚去就與眾共之有如趙邵蕭李

原注云趙驊邵蕭蕭穎士李華姜郭苑陳原注云姜師德郭元振苑咸陳子昂靡不名遂

功成交全分契吳云刻本洎乎近代厥道寢微玉石不

分薰蕕錯雜長我之望殊缺遠方之來亦乖止謂群居

固方云固疑當作罔非瓦合是知生而知之者性也學而知之

者習也渾金璞玉又何追琢之勞乎潢汙行潦又何版

築之置乎紵衣之獻彼跡踈而道親也畫龍之効吳云朱氏

本作斯面交而心賊也後之進者定交擇友當道之間

道之何如

唐撫言卷第一

唐撫言卷第二

京兆府解送

周後人翊聖

神州解送自開元天寶之際率以在上十人謂之等第必求名實相副以滋教化之源小宗伯倚而選之或至

渾化吳云廣記作不然十得其七八苟異於是則往往

牒貢院請落由暨吳云廣記作咸通乾符則為形勢吞

嚼臨制近同及第得之者互相誇詭車服侈靡不以為

僭仍期集人事貞吳云貞廣實之士不復齒吳云齒下

字所以廢置不定職此之由其始末錄之如左

元和元年方云是登科記京兆等第榜序

天府之盛神州之雄選才之以百數為名等列以十人

為首起自開元天寶之世大庠建中之年得之者擢躍

雲衢階梯蘭省即六月冲霄之漸也今所傳者始乎吳

刻本作元和景戌方云即元和元年也歲次叙名氏目

曰神州等第錄

廢等第

開成二年方云是年丁巳吳云大尹崔珙判云選文求

士自有主司州府送名豈合差等吳云刻本今年不定

高下不鎖試官既絕猜嫌暫息浮競差功曾盧宗回主

試除文書不堪送外便以所下文狀為先後試雜文後

重差司錄侯雲章充試官竟不列等第明年崔珙出鎮

徐方復置等第方曰案舊書開成二年六月珙遷京兆

尹累遷戶部侍郎同平章事其出鎮徐

方在太和七年正月是鎮

大中七年方云是韋澳為京兆尹榜曰朝廷將裨教化

廣設科場當開元天寶之間始專吳云專下明經進士

及貞元元和之際又益以薦送相高當時唯務切磋不

分黨甲絕僥倖請托之路有推賢讓能之風等列標名

僅同科第既為盛事固可公行近日已來前規頓改互

爭強弱多務奔馳定高卑於下第之初法吳云法刻可

否於差肩之日曾非考覈盡繫經營與學雄文例舍於

貞方寒素增年矯貌盡取於朋比吳云比一羣強雖中

選者曾不足云而爭名者益熾其事澳叨居畿甸合貢

英髦非無藻鑒之心懼有愛憎之謗且李膺以不察考

廉去任胡廣以輕舉茂才免官况在管窺實難裁處况
禮部格文本無等第府解不合區分其今年所合送者
進士明經等並以納策試前後為定不在更分等第之
限

置等第

乾符四年

方云是崔洎

吳云刻本

作崔洎誤

為京兆尹

方云新書

年登進士第為京州刺史終御

復置等第差萬年縣尉

公乘億為試官

試火中寒暑退賦殘月如新月詩

李特

原注云孫韋

韋

沈駕

羅隱

劉纂

倪曙

唐駢

周繁

原注善書

吳廷隱

賈涉

原注其年所試八韻涉擅場而屈其

府元落

郭求

原注元和元年

楊正舉

原注六年

唐炎

原注八年

高鉞

原注九年

平曾

原注長慶二年

崔仲

原注寶曆二年

韋鉞

原注太和二年

鄭從謹

原注太和二年

原注乾寧二年

原注乾寧二年

原注乾寧二年

等第末為狀元

李固言

原注元和七年

等第罷舉

劉騰

田亮

原注並元和七年

張僊

韋元佐

原注並元和八年

孟夷

原注十二年丁酉

韋璟

原注十四年己亥

辛諒

崔慤

吳云一本誤作穀

薛渾

原注並長慶元年

韋漸

李餘

原注並二年

郭崖

原注三年癸卯

李景方

盧鎰

原注並寶曆元年

韋教

原注二年丙午

元道

原注並太和二年

殷恪

劉筠

原注並八年甲寅

崔濟

原注開成二年

胡澳

原注並辛酉

溫岐

原注四年己未

蘓俊

卒口年。吳云一本無卒字

韓宁

原注會昌二年

李暮

原注並三年。方云是年癸亥。吳云曝書亭本作二年

魏鏡

孫璵

原注並四年辛酉。方云是年甲子。吳云刻本無卒字。疑衍文

韋劂

沈駕

羅隱

周繁

原注並乾符三年

方云是年丙申。案以上四人前置等第一條。作四年或五年也。俟別放。為等第後久方及第

韋力仁

趙蕃

並三年。吳云刻本趙蕃下無注。黃頤下注云並十三年

黃頤

劉纂

原注後二十一年

論曰孟軻言遇不遇命也。或曰性能則命通。以此循彼。匪命從於性耶。若乃大者科甲小者等列。當其角逐文場。星馳解試。品第潛方。於十哲春闈。斷在於一鳴奈何。取舍之源。殆不踵此。或解元永黜。或高等黃頤。以洪休尋休黃頤。以洪奧文章。蹉跎者一十三載。劉纂以平漫

子弟汨沒者二十一年温岐濫竄於白衣羅隱負寃於
丹桂由斯言之可謂命通性能豈曰性能命通者歟
唐詩紀事作可謂命能通性豈曰性能通命未可知是苟佛
以此而言則前亦當作或曰性能通命未可知是苟佛
於是而何姦冗亂常不有之矣
原注云京兆府解試比同
禮部三場試第冠之後並

海述解送

方云述當作送
吳云述字不誤

荆南解比號天荒大中四年方云是劉蛻舍人以是府

解及第吳云北夢瑣言劉舍人蛻桐廬人歷登華貫出
典商於則蛻後又為商州刺史也方云案劉蛻

有梓州兜率寺文塚銘其序曰文冢者長沙劉蛻復愚
為文不忍棄其章聚而封之也云云長沙正荆南所屬

北夢瑣言謂蛻
桐廬人諤甚時崔魏公方云係作鎮以破天荒錢七

十萬資蛻蛻謝書略曰五十年来自是人廢一千里外

豈曰天荒

吳云北夢瑣言荆州衣冠藪澤每歲
解送舉人多不成名號曰天荒解

爭解元

原注扣貢院門
求試後到附

同華解最推利市與京兆無異若首送無不捷者元和

中令狐文公方云鎮三峯時及秋賦榜云特加置五場

盖詩歌文賦帖經為五場常年以清要書題求薦者率

不減十數人其年莫有至者雖不遠千里而來聞是皆

寢去惟盧弘正方云尚書獨詣華請試公命供帳

酒饌侈靡於往時華之寄客畢縱觀於側弘正自謂獨

步文場公命日試一場務精不務敏也弘正已試兩場

而馬植方云下解植將家子弟從事輩皆竊笑之

吳云刻本公曰此未可知既而試登山採珠賦略曰文

豹且異於驪龍採斯疎矣白石又殊於老蚌剖莫得之

公大伏吳云一作其精當遂奪弘正解元後弘正自丞郎

將判鹽吳云判本俄而為植所據弘正以手扎戲植曰

昔日華元已遭毒手今來離務又中老拳吳曰晉書載

陽臂笑曰孤往日厭卿老拳卿亦復日試破竹賦案此

能孤毒手盧之取對殆本於此亦復日試破竹賦案此

六字殊費解必有脫誤

咸通末永樂崔侍中方云名安潛廉問江西取羅鄴為督郵

鄴因主解試時尹璞自遠來求解計偕璞有文而使氣

鄴扶私黜之璞大恚怒疏鄴云羅鄴諱則之可知也鄴

父則為餘杭鹽鐵小吏吳云一本誤作

白樂天方云名居易典杭州江東進士多奔杭取解時張

祐方云清河人吳云案張祐往之誤以為祐前人自負

詩名以首冠為已任既而徐凝方云睦州人後至會郡中有

宴樂天諷二子矛盾祐曰僕為解元宜矣凝曰君有何

嘉句吳曰朱氏祐曰甘露寺詩有日月光先到山河勢

盡來又金山寺詩有樹影中流見鐘聲兩岸聞凝曰善

則善矣奈無野人句云千古長如白練飛一條界被青

山色祐愕然不對於是是一座盡傾凝奪之矣

大中、統干峻與魏鏐爭府元而統干屈居其下翌日

鏐暴卒時峻父方曰峻父當是統干泉

所謗曰離南海之日應得數斤當北闕吳云闕廣之前

未消一捻因此峻兄弟皆罷舉

張又新方云又新字孔時號張三頭原注云進士狀頭

國朝自廣明庚子之亂甲辰天下大荒方云廣明僖宗

計四年甲辰中和四年也和車駕再幸岐梁

帝走興元光啟元年乙巳田令收逼京道瑾相望郡國

率不以貢士為意江西鍾傳令公高安人洪州起於義聚

奄有疆土充庭述職為諸侯表式而又吳云刻本致

以薦賢為急務雖州里白丁片文隻字求貢于有司者

莫不盡禮接之至於考試之辰設會供帳甲於治平行

鄉飲之禮常率賓佐臨視拳然有喜色復大會以餞

之筐篚之外率皆資以桂玉解元三十萬解副二十萬

海送皆不減十萬垂三十載此志未嘗稍怠吳云廣記
時舉子有以公卿薦節不遠千里而求首薦者歲常不
下數輩

合肥李郎中群方云武城人非合肥人恐非是始與楊

衡符載等同隱廬山號山中四友原注云內一人不記

荆州與楊衡說舊因送游南越序首云載弱年與北

王蘭言龐西李元象洎中師高明會合於蜀四人相

然約為友無幾何共欲張聞見之路方乘扁身沿三

造潯陽廬山云載字厚之所云李元象者即羣之字

所云中師者即楊衡之字也惟王簡言未詳其名俟別

考又案孟東野有悼吳興楊衡詩有君生雲水清君死

雲水渾之句則衡吳興人也而唐詩紀事作蜀人云貞
元中李孫為江西觀察薦其材授奉禮郎南昌軍副使
先是封川李相方云名遷閣長會有名郎出牧九江郡
者執辭之際屢以文柄迎賀於公曰誠如所言廬山

處士四人儻能計偕當以到京先後為齒既而吳云刻

字公果主文於是擁旌旗造柴闕激之吳云激之疑而

笑時三賢皆膠固唯合肥公年十八矍然曰及其成功

一也遂東書就貢遂東書就貢比及京師已鎖貢院乃

榘院門吳云刻本院請引見公問其所止答云到京後

時未遑就館合肥神質瓌秀主司為之動容因曰不為

作狀頭便可延于吾廬矣楊衡後因中表盜衡文章及

第詣闕尋其人遂舉亦及第或曰見吳云見衡業古調

詩其自負者有一鶴聲飛上天之句初遇其人頗憤

怒既而問曰某吳云某一作且一鶴聲飛上天在否

前人吳云當曰此句知兄最惜不敢輒偷衡笑曰猶可

怨矣符載後佐李隲為江西副使失意去從劉闢原注

上李羣與楊衡符載等事一節事意年代前後不相接

差互尤甚。吳云此注以予刺眉必非王公手筆想鈔

錄者所繫也。方云案房式傳劉闢發兵書牒首曰闢

副曰式參謀曰符載而載後為江陵趙宗儒託室柳元

宗元有賀宗儒啟為載辨之甚力文載柳集知人生斯

世橫被謗議昭雪必資良士也載後歷官至協律郎監

察御史而卒

高貞公邽方云新書邽字公楚其先渤海蓀人徙就府

解後時試官別出題目曰沙洲獨鳥賦邽援筆而成曰

歌有飛鳥在河之洲一飲一啄載沉載浮賞心利涉之

地浴質至清之流原注云其

得失以道方云此書用唐文粹校但文粹亦有訛

樂言吾道之下衍之

李翱方云字習之後與從弟吳云刻本無從字正辭書

原注云貞元末正辭取京兆解掾不送朝故以其書曰

知汝吳云翱集京兆府取解不得如其所懷念勿在意

凡人之窮達所遇亦各有時吳云刻本作爾何獨於至

吳云刻本作賢丈夫而反無其方云其字時哉此非

吾徒吳云刻本之所憂也吾方云其吳文集同所憂者何

畏吾之道未到於古之人耳方云刻本作未到於古人之

際耳朱氏本作未到於天人之際耳其心既自以為到且無謬則吾何往

而不得所樂何必與夫時俗之人同得失憂喜而動於

心乎吳云朱氏借如用汝之所知分為十馬用其九學

取王人之道而和其心使餘者吳云集作有餘刻本作以

與時進退俯仰如可求也則不啻富且貴矣吳云矣一

同如非吾力也雖盡用吳云刻本其十祇益勞其心吳

刻本非是爾安能有所得乎汝勿信人號文章為一藝

夫所謂一藝者乃時俗方云文粹所好之文或有盛名

於近代者是也其能到古人者則仁義之詞吳云鮑氏

同也惡得以一藝而名之哉仲尼孟軻吳云集沒方云

作千餘歲矣吾不見吳云刻本作不及其人能知其聖

且賢者吾讀其詞而得之者也後來者不可欺吳云欺

期集安知其讀吾詞也吳云刻本而不知吾心之所存

乎亦未可誣也夫性於仁義者未見其無文也有文而

能到者吾吳云刻本未見其不力於仁義也由仁義而

後文者性也吳云乾氏本由文而後仁義者習也由
此由字刻本通集誠明之必相依爾貴與富在乎
文粹無外者也吾未能吳云集知其有無也非吾求而
能至者也吾何愛而屑於其間哉仁義與文章生乎
內者也吾知其有也吾能求而克之者也何懼吳云刻
吾何懼而不為哉汝雖性吳云乾本過於人然而未
能浩於其無其字心吾故書其所懷以張汝且以
樂言吾道云爾

志恨

太和初李相回方云唐書李回字昭度為京兆府戶曹
史中丞五年任京兆府參軍主試不送魏相公方云
同平章事

魏謩字申之鉅鹿人宣宗時遷御史中丞尋以戶部侍郎同平章事深銜之會昌中回為

刑部侍郎謩為御史中丞方云又按舊書武宗即位

黨以諫議大夫出為汾州刺史楊李貶官亦貶信嘗與

次對官三數人候對於閤門謩曰某頃歲府解蒙明公

不送何幸今日同集於此回應聲答曰原注云如今

也不送謩為之色變益懷憤恚後回謫牧吳云牧廣建

州方云唐地理志建州建安郡上屬江南東道首縣建

安亦可稱謩大拜回有啟狀謩悉不納既而回怒一衙

官決杖勒停建州衙官能庇徭役求隸籍者所費不下

數十萬其人切恨停廢後吳云廣記作其人因亡命

吳曰刻本因至京師接吳云刻本時相訴冤諸相皆不

上無後字

問會亭午憩于槐陰顏色憔悴傍人察其有吳云廣記

字私詰之其人具述本意吳云廣記於是誨之曰建陽

相公素與中書相公有隙于盍請之吳云刻本言訖魏

公道騎自中書而下其人常懷文狀即如所誨望塵而

拜吳云廣記問對曰建州百姓訴冤公聞之倒持

麈尾敲檐子吳云廣記門令止及覽狀所論事二十餘

件第一件取同姓子女吳云鮑本入宅於是為魏相極

力鍛成大獄時李相已量移鄧州刺史方云唐地理志

屬山南東道江州潯陽郡上本九行次九江遇御史鞠

却吳云廣記鞠迴建陽竟坐貶撫州司馬方云唐地理

郡上屬江終於貶所方云舊書武宗崩出為劍南西

南西道終於貶所方云舊書武宗崩出為劍南西

湖南觀察使再貶撫州刺史白敏中令狐緇罷相入朝

為兵部尚書復出為劍南西川節度使卒贈司徒謚曰

文懿新書本傳於改湖南觀察下云俄以太子賓客分

司東都給事中還制謂責回薄遂貶賀州刺史再貶撫

州長史卒無入朝以下文而皆不言其謫牧建州及量

移鄧州刺史事至貶撫州舊書謂刺史新書謂長史亦

不言為司馬此等處紛紜亂靡所折衷竊謂聖生

際晚唐見聞較確自當以撫言為正不得援二史以議

也此書

盧吉州肇開成中就江西解試為試官末送肇有啓吳

廣記啟下謝曰巨鼈負巔首冠蓬山試官謂之曰某昨

吳云刻本限以人數擠排雖獲申展深慙名第奉浼焉

得翻有首冠蓬山之謂肇曰必知明公垂問大凡頑石

處上吳云一本巨鼈戴之豈非首冠曰一座聞之大笑

華良夫常為方云當京兆解不送良夫以書讓試官曰

聖唐有天下垂二百年登進士科者三千餘人良夫之族未有登是科者以此慨歎憤惋從十歲讀書學為文章手寫之文過於千卷方云按此書語意未了當有脫文

王冷然

吳云冷一作冷非

與御史高昌字書曰僕之怪君甚久

矣不憶往日任宋城縣尉乎僕稍善文章每蒙提獎勤

勤見遇又以齊叱叨承恩顧銘心在骨復聞升進不出

臺省當為

方云謂為

風波可望故舊不遺近者伏承皇

者華出使江外路次于宋依然舊遊門生故人動有十

輩蒙問及者衆矣未嘗言冷然明公縱欲高心不垂半

面豈不畏天下窺公侯之淺深與著綠袍乘駟馬蹌

正色誰敢直言僕所以數日伺君望塵而拜有不平事

欲圖於君莫厭多言而彰公短也先天年中

方云先天後睿宗弟

三年號是年天子因禪位太子改元太極太子即位

又稱先天實一年也明年癸丑即為睿宗開元元年僕

雖幼小未聞聲律輒參舉選公既明試量擬點額僕之

枉落豈肯緘口是則公之激僕豈不知公之辱僕

終不忘其故亦上一紙書蒙教遍讀重相摩獎道有性

靈云某來年掌試仰取一名於是逡巡受命匍匐而歸

一年在長安一年在洛下一年坐家園去年冬十月得

送今年春三月及第往者雖蒙公不送今日亦自致青

雲天下進士有數自河以北惟僕而已光華藉甚不是

不知君須稍垂後恩雪僕前耻若不然僕之方寸別有

所施何者故舊相逢今日之謂也僕之困窮如君之往

昔君之未遇似僕之今朝因斯而言相去何遠君是御史僕是詞人雖貴賤之間與君隔闕吳云鮑本作閭而文章之道亦謂同聲而不可以富貴驕人亦不可以禮義見隔且僕家貧親老常少供養兄弟未有官資嗷：環堵菜色相看貧而賣漿值天涼今冬又屬停選試遣僕為御史君在顯途吳云刻本見天下文章精神氣調得如王子者哉實能憂其危拯其弊令當有如字公之富貴亦不可多得得意者望御史今年為僕索一婦明年為留與吳云刻本一官幸有餘力何惜些：此僕之宿憾口中不言君之此恩頂上相戴儻也貴人多忘國士難期使僕一朝出其不意與君並肩臺閣側眼相視公始悔而

謝僕：安能有色於君乎僕生長草野語誠觸忤并詩若干首別來三日莫作舊眼相看山東布衣不識忌諱冷然頓首

論曰子曰不怨天不尤人下學而上達又曰求己不責於人君子振跡發身咸覲善地反之於己何得喪之不常望之於人則愛憎之競作王冷然之負氣推命何疎魏丞相之復仇尤人太過凌轢險詖二子得之有若李文公誨弟之書華良夫干時之啟所謂君子之儒也徐凝馬植豈非得之且武當垂名於不朽矣尹璞所謂雖文何益後之學者得不以為炯戒哉

唐撫言卷第二

卷二

十三

別下齋校本

唐撫言卷第三

周後人翊聖

散序

定保生於咸通庚寅歲

方云庚寅咸通十一年也

時屬南蠻騷動諸

道微兵自是聯翩寇亂中土雖舊第太平里

方云案舊書王龜傳

京城光福里第起兄弟同居龜乃於永達里園林深僻處創書齋此云舊第太平里可知非起曾孫也而

跡未嘗達京師故治平盛事罕得博聞然以樂聞科第

之美常諮訪於前達間如丞相吳郡陸

方云一本公辰脫陸字

方云舊書陸辰字祥文吳郡人乾寧三年同平章事翰林侍郎濮陽公馱恩門右

省李常侍渥

方云舊書李渥附其父蔚傳末云累拜中書舍人禮部侍郎不言為常侍史畧之也

顏夕拜薨從翁丞相溥

吳云錢竹汀先生云溥應作溥說詳所著養新錄中。方云新

書王溥字德潤昭宗反正同平章事宰相三年表溥於大復元年二月以中書侍郎拜舊書本紀作三年二月乙

未又案唐宰相世系表博瑯琊溥渙皆系太原而王氏惟瑯琊京兆俱姬姓之裔太原則出自離次子威此則不得稱首周後人矣豈如朱子注韓文集傳謂韓公本南陽人而自稱昌黎亦若言劉悉出彭城言李悉出隴西之例耶至錢行汀宮詹養新錄謂溥應作溥與渙判然兩宗又有不通者表又謂定保父堯祖龜曾祖起而此書於起堯竟直斥其名於龜則但云王大夫唐書表之謬誤可不攻而破矣則從叔南海記室渙其次同年盧十三延讓楊五十一贊圖崔二十七籍若等十許人時蒙言及京華故事靡不錄之於心退則編之於簡策始以進士宴遊之盛案李肇舍人國史補云曲江大會此為吳云刻本下第舉人其筵席簡率器皿皆隔山拋之屬比之席地幕天建吳云速刻本不相遠爾來漸加侈靡皆為上列所據向之下第舉人不復預矣所以長

安游手之民自相鳩集目之為進士團初則至寡泊大中咸通已來人數頗眾其當有時字有何士參者為之酋帥尤善主張筵宴吳云刻本凡今年纔過關宴士參已備來年遊宴之費繇是四海之內水陸之珍靡不畢備時號長安三絕原注云南院主事鄭容中書門官張新書乙集云進士春闈宴曲江亭在五月間一春宴會有何士參者都主其事多有次宴罰錢者須待納足始肯置宴蓋未過此宴不得出京人戲謂何士參索債宴士參卒其子漢儒繼其父業南院驅使官鄭鎔者知名天下後亦官至宣州判司故宛陵王公凝判餼充職得朝散階如鄭鎔與何士參及堂門官張良佐皆應三數百年在團司所由百餘輩各有所主大凡謝恩吳云於人後便往期集院原注團司先於主司宅側院內供帳宴饌甲於鞞鼓其日狀元與同年相見後便請一人

卷三 二 別下齋校本

為錄事原注舊例率以其餘主宴主酒主樂探花主茶

之類咸以其日辟之主樂兩人一人主飲妓放榜後大

科頭兩人原注第一部。方云一本有小科常詰旦至

期集院常宴則小科頭主張大宴則大科頭縱無宴席

科頭亦逐日請給茶錢原注平時不以數後每人日五

第一部樂官科地每日一千第二部五百見燭皆倍科

頭皆重分逼曲江大會則先牒教坊請奏上御紫雲樓

垂簾觀馬時或擬作樂則為之移日故曹松方云字夢

詩云追隨遊若過三清樂行從應妨一日春赦下後人

置被袋例以圖障吳云紀事被袋作皮酒器錢絹實其

中逢花即飲故張籍方云字文昌詩云無人不借花園

和州烏江人

宿到處皆携酒器行其被袋狀元錄事同點檢闕一則

罰金曲江之宴行市羅列長安幾於半空吳云紀事作

空公卿家率於其日吳云紀事棟選東床車馬闐塞莫

可殫述洎巢寇之亂不復舊態矣

謝恩

狀元已下到主司宅門下馬綴行而立飲名紙通呈入

門吳云廣記入並叙立於階下北上東向主司列席褥

東面西向主事揖狀元已下與主司對拜、訖狀元出

行致詞又退著行各拜主司答拜、訖主事云請諸郎

君叙中外狀元已下各、齒叙便謝恩餘人如狀元禮

禮訖主事云請狀元曲謝名第、幾人謝衣鉢原注云

衣鉢謂

得主司名第其或與主司先人同名第即謝衣鉢謝訖
如踐世科即感泣而謝。吳云廣記作謝人衣鉢謝訖
即登階狀元與主司對坐于時公卿來看皆南行叙坐
飲酒教巡便起赴期集院原注云或云此禮亦不常即
不坐而去。吳云廣記看下有者字三日後又曲謝其
下句作或不坐而即回馬也文稍異日主司方一之言及薦蕙之處俾其各謝絮維之力苟
特達而取亦要言之吳云句下廣記有矣字

期集

謝恩後方詣期集院大凡吳云廣記凡下有未字敕下已前每日
期集兩度詣主司之門然三日後主司堅請已即止同
年初到集所團司所由輩叅狀元後便叅眾郎君拜訖
俄有一吏當中庭唱曰諸郎君就坐隻東雙西吳云廣記作雙

東隻其日醮罰不少吳云廣記作其又出抽名紙錢每
西人十千文其精華作具斂名紙見狀元俄於眾中薦
抽三五箇便出此錢吳云自每人下至此二十五字鋪
底吳云廣記底一自狀元已下每人三十千文吳云廣記作三十貫

點檢文書

狀元錄事具啟事取人數主司於其間點請三五人工
於八韵五言者或文字乖訛便在點竄矣大約避廟諱
御名宰相諱然三十所製分為兩卷以金銅軸頭青縹
首進上

過堂

其日園司先於光範門裏東廊吳云廣記其日上有教

十字廊供帳備酒食同年於此候宰相上堂後參見于

時主司亦名知聞三兩人會於他處此筵罰錢不少宰

相既集堂吏來請名紙生徒隨座主過吳云廣記中書

宰相橫行在無在字都堂門裏叙立堂吏通云禮部

某姓侍郎領新及第進士見相公俄有一吏抗聲屈主

司乃吳云廣記登階長揖而退立於門側東向然後狀

元已下叙立於階上狀元出行致詞云今日吳云廣

有某禮部放榜某等幸忝成名獲在相公陶鑄吳云廣

錄之下不任感懼原注云在左右言訖退揖乃自狀元

已下一自稱姓名稱訖堂吏云無客吳云廣記主司



復長揖領生徒退請吳云刻本舍人院主司欄簡吳云

本作欄入刻舍人公服靴鞋延接主司然舍人禮貌謹敬

有加隨事叙杯酒後吳云後廣記於階前鋪席褥諸

舍人登席諸生皆拜舍人答拜狀元出行致詞又拜答

拜如初便出於廊下候主司出一揖而已當時諸宅吳

刻本作諸謝恩便致飲席

闕試

禮部員外吳云廣記其日於南省試判兩節吳云

下廣記有試後授春諸生謝恩其日稱門生謂之一日

門生自此方屬吏部矣

謙名

大相識原注主司在具慶

次相識原注主司在偏侍

小相識原注主司有兄弟

聞喜原注救士當作救下方云

櫻桃 月燈

打球 牡丹

看佛牙原注每人二千以上佛牙接寶壽定水裝嚴皆

之然得一僧跪捧菩薩多是僧錄或首座

方得捧之矣。吳云裝嚴一本作莊嚴

闕原注此最大宴亦謂之

郭代公方云名元振。吳云十八擢第其年冬制入高

等

何扶大和九年方云是年乙卯及第明年方云是年為開捷三

篇方云紀事篇因以一絕寄舊同年曰金榜題名墨尚

新今年依舊去年春花間方云刻本每被紅粧問何事
重来只一人

慈恩寺題名遊賞賦詠雜記

進士題名自神龍之後過闕宴後率皆期集於慈恩塔

下題名故貞元中劉太真侍郎方云宣州人試慈恩寺望杏

園花發詩會昌三年方云是年癸亥贊皇公方云李德裕也為

上相其年十一月十九日敕諫議大夫陳商守本官權

知貢舉後因奏對不稱旨十二月十七日宰臣遂奏依

前命左僕射兼太常卿王起方云字主文二十二日中

書覆奏奉宣旨不欲令及第進士呼有司為座主趨附

其門兼題名局席等條疏吳云一本進來者伏以國家

設文學之科求貞正之士所宜行敦吳云紀事前條疏
直行敦風俗義本君親然後申於吳云紀事中與朝廷必
為國器豈可懷賞拔之私惠忘教化之根源自謂門生
遂成膠固所以時風寢薄吳云紀事臣節何施樹黨背
公靡不由此臣等商量今日已後進士及第任一度叅
見有司向後不得聚集叅謁及於有司宅置宴其曲江
大會朝官及題名局席並望勒停緣初獲美名寔皆少
雋既遇春節難阻良遊三五人自為宴樂並無所禁唯
不得聚集同年進士廣為宴會仍委御史臺察訪聞奏
謹具如前奉敕宜方云宜紀事依於是向之題名各盡
削去蓋贊皇公不由科第故設法以排之洎公失意悉

復舊態

曲江遊賞雖云自神龍以來然盛於開元之末何以知
之案實錄天寶元年方云是年壬申敕以太子太師蕭嵩私廟
逼近曲江因上表請移他處敕令將士為嵩營造上表
謝仍讓令將士創造敕批云卿立廟之時此地閑僻今
傍江修築舉國勝遊與卿思之深避喧雜事資改作還
吳云刻奉命官司承已拆除終須結構吳云構一已有
處分無假致辭

蕭穎士方云字茂挺開元二十三年及第方云是年乙亥恃才傲物
實無與比常自携一壺逐勝郊野偶憩於逆旅獨酌獨
吟會風雨暴至有紫衣老父吳云廣記作領一小僮避

雨於此穎士見其散兀頗肆陵侮逡巡風定雨霽車馬
卒至老父上馬呵殿而去穎士狼忙吳云廣記覘之左

右曰吏部王尚書某吳云刻本某作正童子舉擢第終

禮部尚書穎士嘗造門未之面極所吳云廣記驚愕具

長牋造門謝尚書命引至廡下坐而責之且曰所恨與

子非親屬當庭訓之耳復曰子負文學之名倨忽如此

止於一第乎穎士終于揚州功曹方云廣記引此

小歸尚書方云榜裴起部裕字膺餘與邠之李搏先輩

舊交方云搏登乾搏以詩賀廷裕曰銅梁千里曙雲開

仙笋方云紀事新從紫府來天上已吳云刻本上張新

羽翼世間無復舊塵埃嘉禎果中君平卜賀喜須斟卓

氏杯應笑戎藩刀筆吏至今泥滓曝魚腮吳云一既

而復以二十八字謔之曰曾隨風水化凡鱗安上門前

方云紀事作一字新聞道蜀江風景好不知何似杏園

春裴有六韵荅曰何勞問我成都事亦方云紀事亦報

君知便納降蜀柳籠堤煙轟轟海棠當戶燕雙雙富春

不並窮師子濯錦全勝早方云早紀曲江高卷絳紗楊

氏宅原注楊子云時主文寓半垂紅袖薛濤窓浣花泛鷁吳

鷁刻本詩千首靜衆吳云衆字尋梅酒百缸若說絃歌

與風景主人兼是碧油幢

大和二年方云是崔郾侍郎東都放榜西都過堂方云

本傳郾字廣畧清河武城人昭愍即位遷侍講學士轉

中書舍人其年轉禮部侍郎東都試舉人凡兩歲掌貢

士平心閱試賞拔藝能所擢者無非名士至大中咸通
之代為輔相名卿者十餘人據此則鄧主文似在寶曆
元二年間與此不符杜牧有詩曰東都放榜未花開三十三人走
馬迴秦地少年多釀酒却將吳云全唐詩錄同春色入關
來

胡証尚書方云証字啟中河東人終嶺南節度使新質

狀魁偉膂力絕人與裴晉公度同年方云度字中立度

嘗狎遊為兩軍力人吳云北里志作力士十許輩凌轢勢甚危窘

度潛遣一介求救於証：衣阜貂金帶突門而入諸力

士睨之失色証飲後到酒一舉三鍾不啻數升杯盤無

餘瀝逡巡主人上燈証起取鐵燈臺摘去枝葉而合其

附橫置膝上謂衆人曰鄙夫請非次改令凡三鍾引滿

一遍三臺酒湏盡仍不得有滴瀝犯令者一鐵躋原注

謂登其臺証復一舉三鍾次及一角觥吳云北里志誤作角觥者凡三

臺三遍酒未能盡淋漓逮至並座証舉躋將擊之羣惡

皆起設拜叩頭乞命呼為神人証曰鼠輩敢爾乞汝殘

命叱之令去

崔沆方云字融及第年為主罰錄事同年盧彖吳云彖一本誤作象

下同附近闕宴堅請假往洛下拜慶既而淹緩久之及同

年宴於曲江亭子彖以彫幘載妓微服鞞鞢縱觀於側

遂為吳云刻本團司所發沆判之略曰深攬席帽密映

羶車紫陌尋春便隔同年之面青雲得路可知異日之

心

咸通中進士及第過堂後便以驟從車服侈靡之極稍
不中式則重加罰金蔣泳以故相之子方云案故相名
字越之見唐宰相世系表又案舊書仲傳云大中十年十
書侍郎同平章事新書宰相年表宣宗大中十二年十
二月甲寅蔣仲以兵部侍郎判戶部拜懿宗咸通三年
正月己酉免舊書本紀作二年九月按本傳咸通二年
出為河中節度使少年擢第時家君任太常卿語泳曰
則當從本紀為是溺門緒孤微不宜從世祿所為可先納罰錢慎勿以驟
從也

盧文煥光化二年

方云光化昭宗第五年

狀元及第頗

以宴醪為急務嘗俯闕宴同年皆患貧無以致之一旦

給以遊齊國公亭子

方云崔日用滑州靈昌人封齊國公

既至皆解帶從

容文煥命園司牽驢時柳璨

方云字始之河東人

告文煥以驢從

非已有文煥曰藥不暝眩厥疾弗瘳璨甚銜之居四年
璨登庸文煥憂戚日加璨每過之曰藥不暝眩厥疾弗
瘳

曲江亭子安史未亂前諸司皆列于岸泚幸蜀之後皆
燼於兵火矣所存者惟尚書省亭子而已進士闕宴常
寄其間既徹饌則移樂泛舟率為常例宴前數日行市
駢闐于江頭其日公卿家傾城縱觀于此有中吳云廣
記無中

字東榻

吳云刻本

之選者十八九鈿車珠鞍吳云廣記
作珠幕王

梅溪注蘓詩作珠鞞見和董傳留別七律櫛比而至或曰乾符中薛能尚書

方云字大批汾州人為大京兆楊知至侍郎

至工部侍郎新書作

方云舊書知至累官

侍郎將携家人遊致書於能假舫子先是舫子已為新

人所假能答書云已為三吳云三廣十子之鳩居矣知
至得書怒曰昨日郎吏敢此無禮能自吏部郎中拜京
兆少尹權知大尹

開成五年方云是樂和李公榜方云新書李景讓傳景
禮部侍郎五年知貢舉景讓宅東都樂和里世稱清德
者辨樂和李公云又舊傳五年選貢士李蔚後至宰相
楊知退于時上在諒闇故新人遊賞率常雅飲詩人趙
為尚書

緞寄贈曰天上高：月桂叢分明三十一枝風滿懷春
色向人動遮路亂花迎馬紅鶴馭迴吳云迴紀飄雲雨
外蘭亭不在管絃中居然自是前賢事何必青樓倚翠
空

寶曆年中楊嗣復相公方云字具慶下繼放兩榜時先

僕射方云名於陵字自東洛入覲嗣復率生徒迎於潼

關既而大宴于新昌里第僕射與所執坐于正寢公領
諸生翼坐於兩序時元白俱在皆賦詩於席上惟刑部

楊汝士侍郎方云案舊書汝士字慕巢大和三年以職

侍郎九年為戶部侍郎開成元年轉兵部侍郎四年九
月為吏部侍郎位至刑部尚書卒不言寶曆中為刑侍
史畧也詩後成元白覽之失色詩曰隔坐應須賜御屏盡

將仙翰入高冥文章舊價留鸞掖桃李新陰在鯉庭再
歲生徒陳賀宴一時良史盡傳馨當年吳云廣記疏傳

吳云全唐詩雖云盛詎有茲筵醉醪醴汝士其日大醉
歸謂子弟曰我今日壓倒元白

大順中王渙方云字羣吉大自左史拜考功員外同年

李德鄰自右史拜小戎趙光胤

方云舊書光胤大順二年進士天祐初累官至

駕部郎中不叙他官亦史畧之也

自補哀拜小儀王極吳云一本自小

版拜少勳渙首唱長句感恩上裴公

方云名贊字敬臣曰青衿

七十榜三年建禮舍香次第遷珠彩乍連星錯落桂花

曾到

方云紀事作曾對

月婵娟玉經磨琢多成器劍拔沈埋便

方云便紀事作更

倚天應念銜恩最深者春來為壽拜樽前裴

公荅曰謬持文柄得時賢粉署清華次第遷昔歲策名

皆健筆今朝稱職並同年各懷器業寧推讓俱上青霄

豈後先何事老來猶賦詠欲將酬和永留傳

王起於會昌中放第二榜

方云案紀事長慶三年王起放守及第為時相所退至會

昌三年起以左揆再知貢舉守龍鍾就試成名

內道場詩僧廣宣以詩寄賀曰

從辭鳳閣掌絲綸便向青雲領貢賓再闢文場無枉路

兩開金榜絕冤人眼看龍化門前水手放鶯飛谷口春

明日定歸台席去鵲鷓原上共陶鈞起荅曰延英面奉

入青闈

方云紀事作春闈

亦選功夫亦選奇在治只求金不耗

用心空學科無私龍門變化人皆望鶯谷飛鳴自有時

獨喜向公誰是證彌天上士與新詩

周墀

方云字德升汝南人

任華州刺史武宗會昌三年

方云是年癸亥王

起僕射再主文柄墀以詩寄賀并序曰僕射十一叔以

文學德行當代推高在長慶之間春闈主貢採撫孤進

至今稱之近者朝廷以文柄重難將抑浮華詳明典實

繇是復委前務三領貢籍迄今二十二年于茲亦播紳

儒林罕有如此之盛况新榜既至眾口稱公墀忝荷吳

刻本作深恩喜陪諸彦因成七言四韵詩一首輒敢寄

猷用冀下情兼呈新及第進士文場主化吳云刻本作

魯儒生二十餘年振重名曾忝木雞誇羽翼又陪金馬

入蓬瀛原注云墀初年木雞賦及弟常陪僕射守職內庭。吳云常一本作嘗雖欣月桂

居先折更羨春蘭最後榮欲到龍門看風水關防不許

暫離營時諸進士皆和吳云和本誤作賀一起答曰貢院離來二

十霜誰知更忝主文場楊葉縱能穿舊的桂枝何必愛

新香九重每憶同仙禁六義初吟得夜光莫道相知不

相見蓮峯之下欲徵方云欲徵廣卓異記作有龔非是黃

王起門生一榜二十二人和周墀詩嵩高降德為時生

洪筆三題造化名鳳詔佇歸專北極驪珠搜得盡東瀛

褒衣已換金章貴掖方云紀事曾隨玉樹榮明日定

知同相印青衿新列柳間營原注盧肇字子發公心獨立副天

心三轄春闈冠古今蘭署門生皆入室蓮峯太守別知

音同升翰苑時名重遍歷朝端主意深新有受恩江海

客坐聽朝夕繼為霖原注丁稜字子威。吳三年竭力

向春闈塞斷浮華衆路歧盛選棟梁稱昔日平均雨露

及明時登龍舊美無斜徑折桂新榮盡直枝莫道只陪

金馬貴相期更在鳳凰池原注姚鵠字居雲昔年桃李已滋榮

今日蘭蓀又發生葑菲采時皆有道權衡分處且無情

叨陪鴛鴦朝天客共作門闌出谷鶯何事感恩偏覺重

忽聞金榜扣柴門原注退之自願微為始不敢以叨竊

一旦進士園遣人賈榜扣關相報方知忝幸矣高退

之字遵聖。方云注中叨竊是望作之望。蓋屋誤作石

屋進士下有及第字無團字方知下有之字

無忝幸二字又子史精華引團下有司字

化龍成今日餘波進後生仙籍共知推麗則方云紀事

禁垣同得薦嘉名桃谿早茂誇新萼菊圃初開耀晚英

誰料羽毛方出谷許教齊和九臯鳴原注孟球字庭玉

玉紀孔門頻建鑄顏功紫綬青衿感激同一簣勤勞成

太華三年恩德重方云重紀維嵩楊隨前輩穿皆中桂

許平人折欲空慙和周郎應見顧咸知大造意無窮原注

劉耕字常將公道選羣生猶被春闈屈重名文柄久持

珠歲紀恩門三啟動寰瀛雲霄幸接鴛鸞盛變化欣同

草木榮乍得陽和如細柳參差長近亞夫營原注裴翻

滿朝簪紱半門生又見新書甲乙名孤進自今開道路

至公依舊振寰瀛雲飛太華清詞著花發長安白屋榮

忝受恩光同上客惟將報德是經營原注樊釀字彥龍

元滿朝朱紫半門生新榜勞人又得名國器舊知收片

玉朝宗轉覺集登瀛同升翰苑三年美繼入花源九族

榮共仰蓮峯聽雪唱欲賡仙曲意忙營原注崔軒字鳴

作鳴崗紀一作聲華入紫微三開秦鏡照春闈龍門舊

列金章貴鶯谷新遷碧落飛恩感風雷皆方云皆紀變

化詩裁錦綉借方云借紀光輝誰知散質多榮忝鴛鸞

清塵接布衣原注蒯希逸字大隱龍門一變荷生成

况是三傳不朽名美譽早聞喧北闕頽波今見走東瀛
鴛行既接參差影雞樹仍同次第榮從此青衿與朱紫
升堂侍宴更何營原注林滋字後象一本作字後蒙恩光忽逐曉春
生金榜前頭忝姓名三感至公裨造化重揚文德振寰
瀛佇為霖雨曾吳云刻本曾作增相賀半在雲霄覺更榮何處
新詩添照灼碧蓮峯下柳間營原注李仙古字乘後方云紀事作宣古字垂
後二十二年文教主三千上士滿皇州獨陪宣父蓬瀛
奏方接顏生魯衛遊多羨龍門齊變化屢看雞樹第名
流升堂何處最榮美朱紫環鑄幾獻吳云獻紀事原注
黃頗字三開文鏡繼芳聲暗指雲霄接去程曾壓方云
無頗字洪波先得路平升吳云刻本作早清禁共垂名蓮
厭會

峯對處朱輪賁金榜傳時玉韵成更許下才吳云紀事
聽白雪一枝今過却詵榮原注張道符常將公道選諸
生不是鴛鴻不得名天上宴迴聯步武禁中麻出滿裛
瀛簪裾盡過前賢賁吳云賁一本似誤門館仍叨後學方云
作舊學吳云榮者著鳳池相繼入都堂那肯滯闕營原
作舊非是重德由來為國生五朝清顯冠公卿風波久佇
正上卿濟川楫羽翼三遷出谷鶯絳帳青衿同日貴春蘭秋菊
異時榮孔門弟子皆賢哲誰料窮儒忝一名原注石貫
吳云朱弁文學宗師心秤吳云秤刻平無私三用佐貞
作石貴明恩波舊是仙舟客德宇新添月桂名蘭署宗資金印
方云印紀重蓮峯高唱玉音清羽毛方荷生成力難繼
事作色

鸞凰上漢聲原注李潛科文又主守初時光顯門生濟

會期美擅東堂登甲乙榮同內署待恩私羣鷺共喜新

遷木雙鳳皆當即入池別有倍深知感士曾經兩度得

芳枝原注孟宇字處中。吳云儒雅皆傳德教行樂敦

方云紀事敦浮俗贊文明龍門昔上波濤遠禁署同登

渥澤榮虛散謬當陪杞梓後先寧異感生成時方側席

徵賢急况說歌謠近帝京原注唐思聖朝文德最推賢

自古儒生少比肩再啟龍門將二紀兩司鷺谷已三年

蓬山皆美吳云美刻齊方云紀事榮貴金榜誰知忝後

先正是感恩流涕日但思旌旆碧峯前原注左字惠

德膠侯改春闈帝念主生成長慶公聞兩歲名有詔方

紀事詔赤心分吳云分刻雨露無私和氣浹寰瀛龍門

乍出難勝幸駕侶先行是最榮遙仰高峯看白雪多慙

屬和意屏營原注王甚長慶曾收問世英果居吳云刻

居臺閣冠公卿天書再受恩波遠金榜三開日月明已

見差肩趨方云趨事翰苑更期聯步掌台衡小儒謬

跡雲霄路心仰蓮峯望太清原注金厚

曹汾尚書方云字道謙開成四年登第案舊書曹確傳

使入為戶部侍郎判度支弟鎮許下其子希幹及第方

咸通十四年登第榜至鎮開賀宴日張之於側時進士胡錡有

啓賀吳云紀事略日桂枝折處著萊子之綵衣楊葉穿

時用魯連之舊箭原注云汾之又曰一千里外觀上國

之風光十萬軍前展長安之春色

楊汝士尚書鎮東川方云舊傳汝士開成元年十二月

川節度使時宗人嗣復鎮西其子知温及第方云新書

士第終荆南節度使汝士開家宴相賀營妓咸集汝士命人與紅

綾一匹詩曰郎君得意及吳云及紀青春蜀國將軍又

不貧一曲高歌紅吳云綾刻一匹兩頭娘子謝夫人

華州勝薛侍郎方云紀事云侍郎名昭緯案昭緯知

吳云雪齋鈔本作諸門生詩曰時君過聽委平衡粉署

華燈到曉方云曉紀明開卷固難窺浩汗執心方云紀

心空欲慕公平機雲筆舌臨文健沈宋篇章發韻方云

詠發清自笑觀光渾昨日披心爭不愧羣生

盧相國鈞方云范陽人案舊書鈞字初及第頗窘於率

費吳云廣記俄有一僕願為月傭服飾鮮潔謹幹不與

常等覩鈞福吳云廣記往往有所資時俯及闕宴鈞

未辨醪率憂吳云刻本憂形於色僕輒吳云僕輒上廣

字請罪鈞具以寔告對曰極細事耳郎君吳云廣記可

以處分最先後方云後字疑行吳云勾當何事鈞初疑

其妄既而將覘之給謂之曰吳云廣記爾若有伎吾

當主宴第一要一大第為備宴之所次則吳云廣記所

即徐圖其僕唯吳云廣記唯而去頃刻乃迴白鈞曰已

稅得之矣吳云廣記請樂郎檢校翌日鈞強往者之

吳云廣記既而朱門甲第擬於宮禁鈞不覺欣然復請

曰吳云復請曰廣記作又宴吳云廣記處即大如法此

尤不易張陳對曰但請吳云廣記選日啟聞侍郎張陳

某請專掌鈞始慮其非反覆詰問但微笑不對或意其

非吳云廣記非常人亦不固方云固於猜疑既吳云既

暨宴除之日鈞止於是俄觀幕帶茵毯華煥無比此外

松竹花卉皆稱是鈞之醪率畢至由是公卿間靡不誇

詫詰朝其僕請假給還諸色假借什物因之一去不還

吳云刻本作逮旬日無逮字鈞異其事馳往舊遊訪

之則向之花竹一無所有但見頽垣壞棟而已議者以

鈞之仁感通神明故為曲贊一春之盛而成吳云刻本

有此終身之美方云一本美下有也字廣記同

盧肅鈞之孫方云唐宰相世表鈞子鄴字貞簡有祖風

方云廣記引此謂肅鈞光化初華州行在及第泊大寇

犯關二十年措紳靡不褊乏肅始登第俄有李鴻者吳

廣記作造之願傭力鴻以錐刀吳云廣記作暇日往

吳云雪齊抄本反資於肅此外未嘗以所須為意肅有

舊業在南陽常令鴻徵租皆如期而至往來千里吳云

誤作而未常侵費一金既及第鴻奔走如初及一春事

畢鴻即辭去

新進士尤重櫻桃宴乾符四年方云是永寧劉公方云

名鄴字漢藩第二子吳云廣記覃及第時公以故相鎮

淮南敕郎吏日以銀一錠資覃醪罰而覃所費往教

倍邸吏以聞公命取足而已會時及薦新狀元方議醜

率覃潛遣人厚以金帛預購數十碩矣吳云刻本石然碩古通石廣

記作樹於是獨置是宴大會公卿時京國櫻桃初出雖

貴達未適口吳云刻本而單山積鋪席復和以糖酪者

人享吳云者人享廣蠻榼一小盎吳云盎廣亦不啻數

升以至參御輦靡不霑足

羅玠貞元五年及第方云是闕宴吳云刻本曲江泛舟

舟沈玠以溺死後有闕試吳云試刻前卒者謂之報羅

吳云偶見一書引撫言云進士放榜後春闈前必有一

人下世者名報羅使言報大羅天也似因此而附會成

事亦用其說疑又別有所據也宣慈寺門子不記姓氏吳云氏刻酌其人義俠之徒也

咸通十四年方云是歲癸巳吳云案廣記作乾符二年韋昭範先輩登第

吳云廣記作昭範乃度支侍郎楊嚴懿親方云舊書楊

登宏辭詞科通中累遷工部侍郎乾符四年為兵部侍郎此當是傳聞

支據史則咸通十四年嚴未嘗領計司也

辭宴席間帝幕器皿之類皆假於計司楊公復遣以使

庫供借其年三月中宴于曲江亭吳云廣記亭供帳之

盛罕有倫擬方云一本時飲興方酣俄覩一少年跨驢

而至驕恃之狀旁若無人於是俯逼筵席長耳吳云廣

目引頸及肩復以巨筮振築佐酒譁浪之詞所不忍聆

諸君子駭愕之際忽有於眾中批其頰者隨手而墜吳

墜廣記於是連加毆擊復奪所執筮之百餘眾皆致

軋開有紫衣從人數輩馳告曰莫打莫打傳呼之聲相續又一中貴驅殿甚盛馳馬來救門子乃操箠迎擊中者無不面仆于地救使亦為所箠既而奔馬而返左右從而俱入門亦隨閉而已座內甚欣媿然不測其來仍慮事連宮禁禍不旋踵乃以緡錢束素名行啟者訊之曰爾何人與諸郎君誰素吳云廣記誰素作阿誰有素而能相為如此對曰某是宣慈寺門子亦與諸郎君無素第不平其下人無禮耳眾皆嘉歎悉以錢帛遺之復相謂曰此人必須亡去不則吳云廣記作不然當為擒矣後旬朔座中賓客多有假途宣慈寺門者門子皆能識之靡不加敬竟不聞有追問之者

裴思謙狀元及第後方云紀事思謙開成三年作紅牋名

紙十數詣平康里因宿於里中詰旦賦詩曰銀缸斜背

解鳴璫小語偷聲吳志云北里作低聲賀玉郎從此不知蘭麝貴

夜來新惹吳云紀事作新染桂枝香

鄭合敬方云紀事合乾符三年丙申登上第終諫議大夫一本誤作鄭谷蓋谷字若愚不字合敬也先

輩及第後宿平康里詩曰春來無處不閑行楚潤相看

別有情好是五更殘酒醒時時吳云唐詩英華作耳邊聞喚狀頭

吳云英華聲原注云楚娘潤娘妓之尤者。吳云案北

作狀元尤者似不應分作兩人

盧肇袁州宜春人與同郡黃顏齊名顏富於產肇幼貧乏與顏赴舉同日遵路郡牧於離亭餞顏而已時樂作

酒酣肇策蹇郵亭側而過出郭十餘里駐程侯頗為侶
明年肇狀元及第而歸刺史已下接之大慙恚會延肇
者競渡於席上賦詩曰向道是龍剛不信果然銜得方

紀事作錦標歸原注云錦標

薛監方云舊書薛逢字陶臣河東人會昌初進士晚年

厄於官途吳云唐音統嘗策羸赴朝值新進士榜下綴

行而出時進士團方云子史精華所由輩數十人見逢

行李蕭然吳云朱氏前導曰迴避新郎君逢蹶然即遣

一介語之曰報道莫貧相阿婆三五少年時也曾東塗

西抹來

許畫者睢陽人也薄攻五字詩天復四年大駕東幸方

天復昭宗第六年號止三年四字誤據云大駕東幸則
當是天祐元年甲子帝發長安至洛陽之年也天祐昭
宗第七年號駐蹕甘棠畫於此際及第梁太祖長子號

大卿郎君者常與畫屬和畫以卿為奧主隨駕至洛下

携同年數人醉於梁祖私第因折牡丹十許朵主吏前

白云凡此花開落皆籍其數申令公秀才奈何恣意攀

折畫謾吳云謾一罵久之主吏銜之潛遣一介馳報梁

祖梁祖聞之頗睚眦獨命械畫而獻于時大卿竊知間

道先遣使至畫遂亡命河北莫知所止

鄭光業新及第年宴次有子女卒患心痛而死同年皆

惶駭光業徹吳云北里筵中器物悉授其母別徵酒器

盡歡而散

乾符四年

方云是諸先輩月燈閣打球之會時同年悉

集無何為兩軍打球軍將數輩私較於是新人排比既

盛勉強遲留用抑其銳劉覃謂同年曰僕能為羣公小

挫彼驕必令解去如何狀元已下應聲請之覃因跨馬

執杖躍而揖之曰新進士劉覃擬陪奉可乎諸輩皆喜

覃馳驟擊拂風驅電逝彼皆矐眙俄掣得球子向空磔

方云磔當作擲之莫知所在數輩慙沮僂俛而去時閣下數千

人因之大呼笑久而方止

咸通十三年

方云是壬辰

三月新進士集於月燈閣為蹴踘

方云一本誤作蹙之會擊拂既罷痛飲於佛閣之上四面看棚

櫺比悉皆褰去帷箔而縱觀馬先是飲席未合同年相

與循檻肆覽鄒希回者年七十餘榜末及第時同年將
欲即席希回堅請更一巡歷眾皆笑或譖之曰彼亦何
敢望回

大中十年

方云是丙子

鄭顥都尉放榜請假

方云舊書顥網

萬壽公主拜駙馬都尉歷官禮部侍郎典貢士二年振拔滯才至今稱之往東洛覲省生徒

餞於長樂驛俄有紀於屋壁曰三十驛驢一哄塵來時

不鎖杏園春楊花滿地如飛雪應有偷遊曲水人

乾符丁酉

方云丁酉也

歲闕宴甲於常年

吳云廣記作乾符四年新

進士曲江春燕有溫定者久困場屋坦率自恣尤憤時

之浮薄設奇以侮之至其日蒙衣肩輿金翠之飾覺出

於眾侍婢皆稱是徘徊於柳陰之下俄頃諸公自露棚

移樂登鷓首既而謂是豪貴其中殊麗吳云殊麗下廣

因遣促舟而進莫不注視於此或肆調笑不已吳云朱

刻本羣興方酣定乃於簾間垂足定膝脛偉而毛毳吳云

廣記有衆忽覩之皆掩袂亟命迴舟避之或曰此必温

定矣吳云矣廣

乾寧末駕幸三峯太子太師盧知猷方云字子於西溪

亭子赴進士闕宴因謂前達曰老夫似這闕宴至今相

繼赴三十箇矣

李嶠吳云嶠廣記作堯及第在偏侍下俯逼起居宴霖

雨不止遣吳云廣記遣賃油幕以張案原注張之先人

舊廬升平里凡用錢七百緡自所居連亘通衢殆及吳

廣記殆及作迨一里餘參馭吳云馭廣輩不啻千餘人

韞馬車輿闐咽門巷未往無有霑濕吳云濕鮑者而金

碧照耀頗有吳云廣記嘉致嶠時為丞相韋都尉方云

韋保衡字蘊用京兆人咸通五年登進士第十

年正月尚懿宗女同昌公主不暮年同平章事所委干

預政事號為李八郎其妻又南海韋宙女方云新書

為嶺南節度使以宙常資之金帛不可勝紀

神龍已來杏園宴後皆於慈恩寺塔下題名同年中推

一善書者紀之他時有將相則朱書之及第後知聞或

遇未及第時題名處則為添前字或詩曰吳云或詩曰

人有曾題名處添方云添紀前字送出城人乞舊詩方

紀事又於詩下錄姚合及第後詩曰新銜添一字舊友

音癸籤引此亦作乞舊衣云乞衣亦見張籍詩當時下
第舉子丐利市猥習可憫笑者。方云案張水部集中
無有說乞衣者惟送人任濟陰五律有將書報舊
里留褐與諸生不知孝轅先生所據即此否俟攷

苗台符六歲能屬文聰悟無比十餘歲博覽羣籍著皇
心三十卷年十六及第張讀方云字聖用亦幼擅詞賦年十

八及第吳云一本作年十七。方云案唐闕史張讀同
大中六年崔璵知舉一舉成事年十有九

年進士同吳云廣記同佐鄭薰方云薰字子溥少師宣州幕二
人嘗列題於西明寺之東廡吳云廡廣記作廊或竊注之曰一
雙前進士西箇阿孩兒台符十七不祿讀位至正卿吳云

廣記作位至禮部侍郎李湯吳云湯廣記作湯。方云案舊書李宗閔傳宗閔
弟宗冉宗冉子湯累官至給事中咸通中殘更臺

閣知名於時未題名於昭應縣樓韋蟾方云字隱
知即其人否題名於昭應縣樓韋蟾方云字隱覩之

走筆留謔曰渭水秦川拂眼明吳云廣記川作山希人

方云希人何事寡詩情吳云應刻本及學得虞姬

媚書字纔能記姓名

裴晉公赴敵淮西方云名度時元和十二年丁題名華

岳吳云廣記岳之闕門大順中戶部侍郎司空圖方云

聖以一絕紀之曰岳前大隊赴淮西從此中原息戰鞞

吳云戰表聖本集石闕莫教苔蘚上分明認取晉公題

白樂天方云名居易一舉及第詩曰慈恩塔下題名處十七

人中最少年樂天時年二十七方云案樂天生於代宗

十日有詩云何事同生壬子歲老於崔相及劉郎自注

余與蘓州劉郎中同生壬子歲又送侯權秀才序云貞
元十五年余與侯生俱為宣城守所貢明年春予中春
官第則十六年庚辰也計樂天是年二十九李商隱銘

云年二十六此與唐書本傳云年二十七唐詩紀事又云年二十八俱非樂天於中書舍人高郢下及弟四人省試性習相近遠賦玉水記方流詩携之謁李涼公逢吉公時為校書郎方云案舊書李逢吉字虛舟隴西人敬宗即位封涼國公而不載其先為校書郎新書亦略之于時將他適白遽造之逢吉行携行者初不以為意及覽賦頭曰噫下自人上達君咸德以慎立而性由習分逢吉大奇之遂寫二十餘本其日十七本都出

論曰科第之設沿革多矣文皇帝撥亂反正特盛科名志在牢籠英彥邇來林栖谷隱櫛比鱗次吳云刻本美給華資非第勿處雄藩劇郡非第勿居斯乃名實相符亨達自任得以惟聖作則為官擇人有其才者靡捐於

甕牖繩樞無其才者詎繫於王孫公子莫不理推畫一時契大同垂三百年擢士衆矣然此科近代所美知其美之所美者在乎端已直躬守而勿失味其美之所美者在乎貪名巧宦得之為榮噫大聖設科以廣其教奈何味道由徑未旋踵而身名俱泯又何科第之庇乎矧諸尋芳逐勝結友定交競車服之鮮華聘杯盤之意氣沽激賈吳云刻本誤作價譽比周行藏始膠漆於羣強終短長於逐末乃知得失之道坦然明白且明所謂求名而止欲蓋而彰苟有其寔又何科第之闕歟

唐撫言卷第三

